

¡BOMBA!

Vamos a ver si se entiende
si vamos tirando un kilo;
no es quién mete el fentanilo,
es su mafia que lo vende



K'intsil

Jueves 8 de mayo de 2025

CAMPECHE · YUCATÁN · QUINTANA ROO · AÑO 8 · NÚMERO 2472 · www.lajornadamaya.mx

Ts'o'ok 31 máak kíinsa'an tumen Pakistán, yéetel uláak' 57e' loobilta'ab, ikil u beeta'al k'aas yóok'ol India



EFE / P 29
OOCHEL AP

U Ejércitoil Pakistáné' tu ya'alaj le miércoles máanika' yanchaj 31 kajnaal kimen yéetel uláak' 57e' loobilta'an úuchik u beeta'al k'aas yóok'ol India ikil táan ts'o'ots'onajil Línea de Control, u xuul lu'umil ichil ka'ap'éeel noj lu'umo'ob táan u ba'ateltiko'ob Cachemira.

"Paach ti' le k'aak'as loobilaj beeta'ab India tu táan kaaj ook'najeake', jna'ak le jaytúul máako'ob loobilta'ab yéetel kíinsa'abo", tu ya'alaj ti' k'a'aytajil tsikbal beeta'ab tumen máax jo'olbesik oficina de medios ti' le Ejércitoo', jteniente General Ahmad Sharif.

"Ichil ba'ax jts'a'ab k'ajóoltbil tak walkila', a'alabe' táan u ya'abta'al kaaj ku loobilta'al tumen man-

tats' táan ts'o'on Línea de Control, yéetel tumen kex jeets'el ma' unaj u yúuchul ts'oone', Indiae' ma' táan u chíimpoltik", tu ya'alaj.

Loobilaj beeta'abe', j-úuch ka'alikil táan u bin u sáastal, ts'o'okole' kaxta'ab u ts'o'onol jayp'éeel u kaajilo'ob tu lak'inil Punjab, tu'ux ku taal u kóojol lu'um yéetel India, beyxan Cachemira, ti'alinta'an tumen Pakistán.

Ichil ba'ax tu ya'alaj Indiae', ts'o'ots'onaj yanchaje', chéen "infraestructura terrorista" yanchaj ti' bolonp'éeel kúuchilo'ob, ts'o'oke' ma' kóoj ti' kaaji', mix xan tu beetaj k'aas ti' económico wa militar paquistaníil kaaj.

Ba'ale', Pakistane' tu takaj u pool India tumen loobilaj tu beetaje', tu k'askúuntaj ba'al u ti'al kaaj, tak mezquitas yéetel hidroeléctricas, ts'o'oke' lelo' kúulpach ti' ba'ax a'alab te'el Nueva Delhio'.

U yáax ministroil paquistaníil, Shehbaz Sharif, tu ya'alaj Indiae' yaan u yilik u k'aasil yóok'olal loobilaj tu beetaj, je'ex úuchik xan u ya'alal tumen uláak' máako'ob táaka'an ichil Jala'ach wa tumen Ejército.

Comité de Seguridad Nacional de Pakistán, noj mola'ay ku kanan te'el noj lu'umo', tu ts'áaj u muuk' Fuerzas Armadas ti'al u núukik loobilaj beeta'ab tumen India, "tu k'iinil yéetel le bix keen u tukultej".